



MAJLIS PENYAMPAIAN DIVIDEN RTBB NEGERI MELAKA TAHUN 2008

UCAPAN ALUAN

**YG.BHG. DATO' ALI NORDIN BIN WAHIDUDDIN,
TIMBALAN KETUA PENGARAH (PEMBANGUNAN) RISDA**

BALLROOM AYER KEROH, D'VILLAGE RESORT MELAKA,
MELAKA
12 SEPTEMBER 2008
4.30 PETANG

Yang Berusaha Saudara Pengerusi Majlis

Yang Berbahagia Tan Sri Rahim bin Tamby Chik
Pengerusi RISDA

Yang Dihormati Tn. Hj. Sukiman bin Sulong
Pengarah RISDA Negeri Melaka

Tuan-Tuan dan Puan-Puan peserta Rancangan Tanam Baru
Berkelompok (RTBB), Tanam Semula Komersial (TSK), PMPK,
Ahli Koperasi serta pekebun kecil yang dihormati sekalian

Assalamualaikum Warahmatullahi Wabarakatuh,

1.0 PENGHARGAAN

Marilah kita bersama-sama pada hari ini memanjangkan kesyukuran kita kehadiran Allah S.W.T kerana dengan limpah, kurnia dan rahmatNya dapat kita berkumpul di sini bagi Majlis Penyampaian Dividen RTBB Negeri Melaka Tahun 2008. Terlebih dahulu saya mengambil kesempatan di sini untuk menyampaikan salam daripada Yang Berbahagia Dato' Mohammad Izat Hasan, Ketua Pengarah RISDA yang tidak dapat hadir pada hari ini kerana terlibat dengan urusan rasmi yang lain. Bagi pihak

3

pengurusan RISDA, saya amat mengalu-alukan dan berterima kasih di atas kesudian Yang Berbahagia Tan Sri Rahim bin Tamby Chik, Pengerusi RISDA melapangkan masa hadir untuk menyempurnakan Majlis pada hari ini. Sesungguhnya kehadiran Yang Berbahagia Tan Sri begitu bermakna kepada semua yang hadir pada hari ini. Sokongan yang ditunjukkan oleh Tan Sri akan menyemarakkan lagi semangat kami semua untuk meneruskan usaha memperkasakan pekebun kecil dan sama-sama membantu negara mencapai tahap pembangunan yang lebih tinggi, InsyaAllah.

4

Saya juga mengambil peluang di sini untuk mengalu-alukan kehadiran semua dif-dif jemputan ke Majlis ini . Kehadiran tuan-tuan dan puan-puan menjadi pendorong kepada RISDA untuk memberi perkhidmatan terbaik kepada pekebun kecil dan penduduk di luar bandar khasnya dan juga industri getah keseluruhannya.

Tidak lupa juga kepada semua peserta RTBB, TSK, PMPK, Ahli Koperasi serta pekebun kecil dari seluruh Negeri Melaka dan pastinya Majlis pada hari ini memberi pengertian yang cukup besar kepada RISDA khususnya dalam meningkatkan dan memperbaiki

5

taraf hidup pekebun kecil di Negeri Melaka, khasnya kearah mensasarkan pendapatan melebihi RM 2000 sebulan sekeluarga.

2.0 SELAMAT MENUNAIKAN IBADAH PUASA

Di bulan Ramadhan yang penuh berkat ini, saya mengambil peluang ini untuk mengucapkan Selamat Menjalankan Ibadah Puasa kepada semua muslimin dan muslimat. Semoga amal ibadah yang kita lakukan diterima oleh Allah S.W.T. kelak, InsyaAllah.

6

3.0 TUJUAN MAJLIS

Tujuan RISDA mengadakan Majlis ini pada hari ini adalah untuk menyampaikan keuntungan terkumpul RTBB bagi tahun 2007 dan juga dividen TSK bagi tempoh Januari-Julai 2008 bagi Negeri Melaka. Juga penyampaian zakat oleh Anak Syarikat RISDA kepada fakir miskin di kalangan Fakir Miskin Negeri Melaka.

4.0 PEMBAYARAN DIVIDEN RTBB DAN TSK

RTBB ditubuhkan bagi membantu golongan pekebun kecil yang mempunyai tanah kurang daripada 7 ekar untuk menambah keluasan yang dimiliki. Skim ini yang dilaksanakan mulai tahun

7

1974 memberi peluang kepada pekebun kecil yang memiliki tanah sebelum 31 Disember 1970 menggunakan hak kelayakan Tanam Baru mereka untuk menyertai Ladang RTBB yang dibangunkan.

Bagi tahun 2007, pihak RISDA akan menyampaikan dividen yang bernilai **RM 41,322,650.00 (41.3 juta)** khusus bagi **13,986 orang** peserta dengan keluasan lebih kurang **41,322.65 hektar**. Purata bayaran dividen adalah **RM2,954.57** bagi setiap peserta.

Bagi **Negeri Melaka**, sejumlah **RM 1.253 juta** keuntungan terkumpul RTBB akan diberikan kepada **465 orang** peserta. Selain daripada itu, sejumlah **RM 3,165,242.39 juta** dividen TSK **Negeri Melaka** bagi tempoh **Mei hingga Julai 2008** akan juga

diberikan kepada seramai 1,317 orang peserta 33 projek TSK dengan keluasan **1,352.2595 hektar** .

5.0 PEMBAYARAN BANTUAN ZAKAT

RISDA Negeri Melaka juga telah mengambil inisiatif untuk memberi zakat kepada 80 orang fakir miskin yang telah ditentukan oleh Majlis Agama Islam Negeri Melaka. Pembayaran Zakat sejumlah RM 16,000 ini adalah sumbangan Anak-Anak Syarikat RISDA iaitu pada kadar RM200 seorang.

6.0 PENUTUP

Saya tidak berniat untuk berucap panjang kerana Tuan-tuan dan Puan-puan tentunya sudah tidak sabar lagi untuk mendengar ucapan daripada Yg. Bhg. Tan Sri Rahim Tamby Chik, Pengerusi RISDA pada hari ini. Sekali lagi saya mengucapkan ribuan terima kasih kepada Tan Sri atas kesudian untuk menghadiri Majlis pada hari ini. Juga para jemputan serta pekebun kecil yang hadir. Tidak ketinggalan juga terima kasih kepada Tn. Hj.Sukiman bin Sulong, Pengarah RISDA Negeri Melaka serta Jawatankuasanya yang telah bekerja keras untuk menjayakan Majlis ini. Hanya Allah

sahaja yang dapat membalas segala usaha Tuan-tuan dan Puan-puan.

Sekian. **Wabillahi Taufik Walhidayah ,**
Wassalamualaikum Warahmatullahi wabarakatuh.